



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Necessitate Et Modo Ministrandi Sacramenta Tempore pestis

Chapeauville, Jean

Mogvntiæ, 1612

5. An Ordinariis deficientibus parochis & aliis sacerdotibus, possit substituere parochum necdum sacerdotem?

urn:nbn:de:hbz:466:1-41077

Dices. Assistere celebrationi matrimonii est actus parochi, ut parochus est: Parochi autem officio non possunt huiusmodi sacerdotes fungi: Ergo.

R. Negando quod assumitur, videlicet assistere celebrationi matrimonii esse actum parochi in quantum est parochus, quasi inibi iurisdictionem aliquam exercens, sed in quantum testis est matrimonii, ut statim diximus.

QVÆSTIO V.

An Ordinarius deficientibus Parocho & aliis sacerdotibus, possit substituere parochum necdum ordinatum?

Quæstionis explicatio.

Præsupponit quæstio quod verum est, aliquem parochum fieri posse, qui necdum sit sacerdos, ut si necdum sit elapsus annus ab assentione parochialis beneficii, quo tempore non teneri promovendi ad ordinem sacerdotalem de iure (a) certum est: vel si ratione studii dispenset Episcopus, ne intra certum tempus ad sacerdotium promoveatur, quod etiam de iure (b) conceditur. Huius occasione quæritur, an nullo alio

a de elect. c.

licet canon.

c. c. cum ex eo, lib. 6.

b locis supra citatis.

alio assistente celebrationi matrimoniorū
tempore pestis ordinarius poterit substitu-
re pastorem necdum sacerdotem?

Responsio.

P Robabile est (a) posse: Primo, quia Cō-
cilium Tridentinum disiunctiue postu-
lat præsentiā parochi, aut alterius qui sa-
cerdos sit: ad veritatem autem disiunctiue
sufficit alteram partem verificari; ergo sa-
tisfit Concilio, si parochus non sacerdos,
vel alius sacerdos de eius licentia interfit.
Secundo, quia mens Concilii fuit, vt ad ef-
fet matrimonio præter alios testes persona
ecclesiastica fidedigna: Itaque adesse volu-
it illam, quæ vel parochiali vel sacerdotali
dignitate polleret. Confirmatur, quia cum
res hæc grauißima sit, & ad matrimonii va-
lorem necessaria, verisimile est, si Concili-
um voluisset qualitatem sacerdotalem pa-
rochi inesse, quod eam expressisset, sicut in
assistente ex parochi licentia expressit. Cō-
firmatur 2. Quia cum Concilium vndecies
mentionem faciat parochi in eadem ma-
teria, nunquam sacerdotii meminit, nisi cū
assistere matrimonio permittitur alteri quā
proprio parochi: Ergo signum manife-
stum est non exigere hanc qualitatem in
parochi.

Hh 3 Con-

*a Nau. li. 4.
Con. tit. de
spons. cons. 9.
Henr. lib. 1.
de matr. c. 3.
num. 5.*

a c. *Omnis*,
de penit. &
remiss.

b *Clement.*
de privileg.

c *Nuper*, de
sent. excom.

d *Palud. in*
4. dist. 17 q. 3.

Zuar. dis. 72.
sect. 3. & alij.

e apud *Me-*
noch. li. 1. de
arbitrariis,
q. 80. n. 122.

Confirmatur 3. quia licet (a) iure cano-
nico dicatur neminem posse confiteri alie-
no sine licentia proprii sacerdotis: nec lice-
re, religiosos (b) ministrare Eucharistiã ab-
que licentia Pbr̃i parochialis, & absolutione
(c) excommunicationis non reseruate pos-
se impendi à proprio sacerdote. Nihilomi-
nus hæc omnia (d) Doctores dicunt posse
intelligi de parochio, qui necdum sit sacer-
dos, nimirum vt ille possit dare licentiam
conficiendi & ministrandi Eucharistiã, &
ipsemet absoluere ab excommunicatione:
Si ergo, cum textus iuris canonici expresse
qualitatis sacerdotii meminerint, declarã-
tur pie non exigi in parochio eam qualita-
tem, vt ipse prædictas licentias concedat à
fortiori, cum Tridentinum eius qualitatis
non meminerit, dicendum est, eam hic non
desiderari.

Dices. Concilium dicit, *qui aliter quàm*
presente parochio vel alio sacerdote: ergo & pa-
rochus debet esse sacerdos; dictio enim (a-
lius) secundum Iurisperitos (e) est relatiua,
& repetit præcedentem qualitatem illius,
cuius est persona expressa.

R. Dictionem (alius) sæpe improprie po-
ni, nec semper referre eandem qualitatem,
sed quandoque significare dissimilitudinẽ,
prout ratio subiectæ materiæ suadet, &
pro-

probatum ex illo Matthæi & Marci, ubi de Christo Salvatore aiunt: *Cum eo crucifixi sunt alij duo latrones*, quod & hic contingit, quia parochus non sacerdos potest exercere omnia parochi munia, quæ potestate ordinis non indigent: ergo etiam præsentiam exhibere.

Matt. c. 28.

Marc. c. 15.

Dices 2. Parochus non sacerdos assistens matrimonio exponit periculo veritatem sacramenti, quod est mortale, non secus ac uti forma aut materia incerta in sacramentis, iuxta opinionem probabilem, relictis certis sine necessitate: ergo, &c.

Respondetur, nos versari hic in casu necessitatis, quo alius sacerdos qui assistat haberi nequit, quo casu licet uti materia vel forma probabili, quando alia haberi non potest, ut superioribus capitibus ostendimus.



Hh 4 QVÆ